



UNIVERSITÄTS-
BIBLIOTHEK
PADERBORN

Universitätsbibliothek Paderborn

Handleitung Zu leichterem Gebrauch Der Geist- und Sittlichen Unterrichten In Ewigen Wahrheiten

Calino, Cesare

Augspurg ; Graez, 1744

VD18 80280064

Dominica VIII. Post Pentecosten.

[urn:nbn:de:hbz:466:1-49389](https://nbn-resolving.org/urn:nbn:de:hbz:466:1-49389)

assumatur in vanum, gravissimè peccatur, præsertim si per juramentum inutile vel falsum divina veritas in testimonium advocetur. Sunt certæ juramenti justæ conditiones: hæc nisi observentur, enormis Deo injuria fit, unde merito ad infligendas tam in hac, quàm altera vita pœnas impellitur. *Mense II. Disc. 43. pag. 184.*

DOMINICA VIII.
POST PENTECOSTEN.

I.

Quid faciam, quia Dominus meus aufere à me villicationem? Luc. 16.

Magna est hujus villici infelicitas amissâ villicatione; nam aut inter vulgares operas sudare & laborare, aut inter mendicabula stipem corrogare cogitur; calamitatis hujus causa est dissipatio bonorum Domini sui. Major erit tua infelicitas, O peccator, quamprimùm per mortale peccatum gratiam Dei perdidideris; nam cum illa amittes omnem animæ pulchritudinem, & omnes spirituales divitias. *Mense I. Disc. 21. pag. 315. usque ad num. 8.*

2.

Redde rationem villicationis tuæ, Luc. 16.

Non immeritò Dominus iste à Villico rationem expetiit, utpote dissipante bona ipsius: pari modò misericordiam non meretur, qui
crea-

creaturis ad injuriam Creatoris abutens impuris libris aut imaginibus delectatur, & semel amissam non facile recuperabit. *Mense I. Disc. 14. pag. 212. à num. 7. ad finem.*

3.

Diffamatus est apud illum, quasi dissipasset bona ipsius. Luc. 16.

Rectè officio suo motus est hic villicus; non enim falsò fuit infamatus, cum ipsemet reum se agnoscens non cogitaverit de se defendendo vel bene ordinandis ratiociniis, sed jam desperans solummodo cogitavit, quomodo sibi post depositionem amicos faceret. Verè damnabile vitium est prodigalitas, sive illius causas consideres, sive pessimos fructus, quos producit. *Mense V. Disc. 145. pag. 486.*

4.

Diffamatus est apud illum, quasi dissipasset bona ipsius. Luc. 16.

Itaque miser iste villicus à Domino suo convictus rationem reddere non potuit, loco moveri, exilium quærere debuit. Quæ verò causa, nisi vana pompa & vitæ luxus? immemor officii sui uxorem, liberos, seipsum splendidè vestiebat, magnificè epulabatur, atque ita & justam mercedem suam & domini bona decoxit. Ea nempe vani luxus est indoles, ut opes exhauriat, famam denigret, ani-

CONCIONATORIUS. 141

animam quoque gravibus ruinis involvat.
Mense VI. Disc. 159. pag. 116.

5.
Facite vobis amicos. Luc. 16.

Totum hoc Evangelium docet invocandos esse Sanctos : videbis , quantopere DEO placeat, nos in ærumnis ad Sanctos confugere : quid agendum tibi ad impetrandum eorum patrociniū : quàm efficax sit eorum intercessio. *Mense X. Disc. 299. pag. 463.*

DOMINICA IX.
POST PENTECOSTEN.

1.
*Videns civitatem flevit super illam.
Luc. 19.*

Et quid mirum? Considerabat nempe præsentem urbis pulchritudinem, templi sanctitatem, ædificiorum majestatem, civium opulentiam &c. Contra verò intuebatur futuram illius ruinam & dissipationem. Verùm sub urbis hujus figura multò acerbius deflevit horrenda animæ damna ac miserias, quibus se per peccatum mortale involvit. *Mense I. Disc. 21. pag. 328. à num. 8. ad finem.*

2.
Erat docens quotidie in templo. Luc. 19.
Non